

1780



D E

PERICULO CAUSTICORUM
IN HERNIIS CURANDIS.

T H E S E S
ANATOMICÆ ET CHIRURGICÆ;

QUAS, DEO JUVANTE, & Præside M. TUSSANO DE BORDENAVE,
Artium & Chirurgiæ Magistro, antiquo Collegii Prapósito,
Scholarum Professore Regio, Librorum Censore, è Regiâ
Scientiarum Academiâ, Regiæ Chirurgiæ Academiæ nuper
Directore, Academiarum Rothomagensis, Lugdunensis & Flo-
rentina, necnon Regii Medicinæ Nanceiani Collegii Socio,
tueri conabitur JOANNES-ABRAHAM AUVITY, Trecentis,
in almâ Universitate Parisiensi Artium liberalium Magister,
Theseos Auctor.

Die Sabbati quintâ Augusti, anno Salutis 1780, à sesqui-secundâ
post meridiem ad septimam.

P A R I S I I S,
IN REGIIS CHIRURGORUM SCHOLIS,
PRO ACTU PUBLICO
E T
MAGISTERII LAUREA.



P A R I S I I S,
Typis MICHAELIS LAMBERT, Regii Chirurgiæ Collegii
necnon Academiæ Typographi, viâ Cithareâ.

M. DCC. LXXX.



D. O. M.

D E

PERICULO CAUSTICORUM
IN HERNIIS CURANDIS.

T H E S E S
ANATOMICÆ ET CHIRURGICÆ.

HUMANUM corpus plurima undequaque afficiunt mala, quæ pro diversâ organorum tenuitate variisve illorum quibus destinantur officiorum momentis, plus vel minus ingravescent. Diversas inter partes quæ ad præstantissimum naturæ opus effor-
mandum conspirant nullæ sunt unde frequentior, vel pericu-

A ij

loſior morborum ſeries oriatur, quàm ex his quæ continentur in abdomine, & imprimis ex ventriculo & inteſtinis. Hæc viſcera ſuis à creatore præſcriptis limitibus coercita, utiliſſimis vicibus funguntur, canalium inſtar, tum ſtructurâ, tum diſpoſitione, ſapientiſſimi Artiſcis manum teſtantur; varios tanquam è ſalubri & ſæcundo fonte ſuccos accipiunt, emendatoſque per varias ferunt corporis partes, inde roboris & vitæ beneficium ſortituros. At hæc ſemel prætergreſſæ clauſtra, dum verſus alia loca ruptis repagulis irrepunt, quæ ad primarium vitæ munus inſerviebant, repente corpori morbidam & ſæpè mortiferam vim, perturbato rerum ordine, incutiunt.

Illud morborum agmen, quorum ſub mole gravi tot victimæ laborant, ſollicitudinem ſemper & curam in eis excitavit, qui ad utiliſſimæ Artis progreſſus, & ad humani gêneris commoda accingebantur; conſtabit enim Chirurgiæ annales cuilibet evolventi, majores noſtros, palliativæ curationis, unde ſibi tantum decus hodierna Chirurgia vindicat, ſaſciationumque neſcios, ferro & igne ad radicalem herniarum expugnationem uti tantum conſueviſſe. Hæc media, non repudianda quidem, ſed in extremis caſibus tantum adhibenda. Ex legitimo uſu, doctâque adminiſtratione utilitatem plurimam præ ſe ferunt; at quantum ex abuſu, indoctâque praxi immineat periculi, ſatis ſuperque teſtantur caſus inde enati, luſtuoſique miſerorum cruciatus, qui periculosa reſecatione, partes hæd quaquàm luxuriantes, & ad tuendam humanæ ſocietatis laudem efficaciſſimas deſiderabant. Hanc quidem remedii atrocitatem altera non minùs crudelis, ignis ſcilicet & cauſtica, excepit, quæ experientiâ demonſtratur ſaltem inutilis, ne dicam funeſtiſſima, quippe quæ plurimos in vitæ diſcrimen adduxerit. De cauſticorum inutili & periculosa adminiſtratione diſſerere hæc animus eſt; hæc quidem à Veteribus jam dudum proſcripta & certioribus ſanæ Chirurgiæ præceptis debellata, vix & ſine laude exercetur.

sed error profligandus & ab errorum periculis præcavenda hominum vita.

Præmissis quibusdam de Anatomia, melius elucidabitur quænam pro diversis speciebus competat herniarum curatio.

§. I.

In abdomine, amplissimâ corporis cavitate quæ à xiphoideâ cartilagine ad infimam parvi pelvis partem extenditur, varia continentur viscera, quæ præsertim digestionis, secretionibus quibusdam, & generationi dicantur. Hæc viscera protegent variæ partes continentes, inter quas, præ cæteris, annotandi muscoli abdominales, qui ferè totum occupant & conficiunt abdominis ambitum. Decem vulgò recensentur, quinque in utroque latere; Obliqui majores, Obliqui minores, Transversales, Recti, Pyramidalesque dicuntur. Per medium abdominis conspicitur linea alba, quæ à sternum ad juncturam ossium pubis extensa, ex aponevrosibus obliquorum majorum, minorum, & transversorum musculorum, mirè inter se implexis conflatur, in cujus medio umbilicus. Quomodò autem versùs inferiora desinant hi muscoli, considerandum præsertim interest. Obliquus major, à spinâ anteriori & superiori ossis Ilei, latâ & fortè aponevrosi, obliquè versùs os Pubis fertur; quæ ibi in duos fasciculos divisa, duplici tendine terminatur, quorum unus anterior ad os pubis alterius lateris tendit, dum alter posterior ossi pubis ejusdem lateris adhæret. Ex hæc fasciculorum dispositione inter se, oritur spatium, quod, ovale licèt & oblongum, annuli nomine designatur, & obliquè infrà musculos decurrit. Hic annulus major in viris, funiculo vasorum spermaticorum; in mulieribus minor, ligamenti uteri rotundis viam præbet; quandoque etiam contrà naturam dilatatus, intestinis aut omento, vel utrisque, imò ipsimet vesicæ transitum admittit, sicque in inguine formantur herniæ.

Musculi obliqui minores & transversi, licet obliquo majori posteriùs subsideant pubi adhærentes, nullum inferius foramen, seu annulum offerunt, sed simul procedentes ab osse ileo ad pubim, fibris aponevroticis conjuncti, arcum tendineum efformant, sub quo vasa cruralia, tendinesque procedunt; imò, si irreperant partes quædam contentæ, tunc oriuntur herniæ crurales.

Totum abdomen interiùs investit membrana tenuis, texturâ tamen renitens, distensionis & restitutionis capax, internè lævis & humore exhalante perfusa, exteriùs inæqualis & cellulosa; cui nomen peritoneum. Licet pleraque viscera, quasi in sacco, continere videatur, ita tamen disponitur, ut in parte convexâ varios exhibeat loculos, visceribus recipiendis aptos, sicque exteriùs involucrum ipsis impertiatur; undè non immeritò in duplicaturâ peritonei sita esse dicuntur. In ejus textu cellulari continentur exteriùs viscera quædam, quæ non aperto abdomine conspici possunt, ut sunt renes, ureteres, vesica, vasa majora, &c. Peritoneum diversimodò reflexum, visceribus plerisque dat ligamenta, quorum præcipuum est Mesenterium. Non omittendi etiam ejus processus cellulares, versùs inguina & crura tendentes, quibus, licet non adsit comes membrana interna, tamen contra naturam dilatata quandoquè conjungitur, & plùs minùs ve descendit, sacculos efformans herniis recipiendis aptos.

Aperto peritoneo, mox occurrit omentum, membrana tenuis & cellulosa, striis pinguedinis perfusa; ab imo ventriculi, infra regionem umbilicalem & etiam ad ilia præsertim sinistra intestinis incumbens extenditur; figuram marsupii refert, cujus apertura superior, fundus verò inferior. Duabus lamellis constar, quarum anterior ventriculo & spleni, posterior verò colo adhæret; parùm sensibilis, vasa à vicinis mutuatur, pinguedine sæpiùs abundat, ultrâque limites naturales protensa, ex abdomine prolabitur, & in herniarum partem venit.

Canalem ab ore ad anum usque extensum constituunt ventriculus & intestina. Plurima consentiunt in eorum structurâ, quam præcipuè in intestinis considerabimus; mirabiles admodum circumvolutiones exhibent hæc viscera, evolutaque offerunt tubum membranaceum, septies homine de quo deprompta sunt, longiorem. Sex numerantur intestina, quorum diameter non idem est in omnibus; unde tria dicuntur tenuia: Duodenum scilicet, Jejunum & Ileum; tria verò crassa: Cæcum nempe, Colon, & Rectum. Intestinorum structura, ex quatuor tunicis, non secus ac ventriculus, constat; prima membranacea est, & à peritoneo propagatur; musculosa secunda, duplici fibrarum, longitudinalium nempe & annularium, ordine constat, quæ pro diversâ actione, motui intestinorum inserviunt. Tertia nervæa dicitur, glandulis, nec non vasculis copiosis & textu cellulari densiori instructa, aliis magis extensa est: unde rugæ & valvulæ. Quarta tandem villosa, fines sanguiferorum, & principia vasorum lacteorum sustinens; tanquam totidem villos exhibet; hinc cribri instar, intrâ intestinorum cava continuò exhalat, inhalatque, & percolationis chili organum dici potest.

Vasa copiosissima intestinorum substantiam perreptant. Arteriæ miseraicæ præsertim; quarum superior tenuibus intestinis, inferior crassis sanguinem advehunt. Venæ eandem ferè viam sequentes ad truncum venæ portæ & hepar adeunt. Nervi denique, intercostalis foboles, minores licèt, magnam intestinis sensibilitatem conciliant.

Vasa lactea, lymphatica etiam, habent intestina, nonnullæque reperiuntur glandulæ, diversis nominibus donatæ.

Ciborum concoctionem actione propriâ, variisque liquoribus admixtis, operantur intestina; secretionem chili perficiunt; motu suo & actione musculorum ambientium, residuam alimentorum molem ad crassa impellunt, ubi fæces colliguntur suo tempore foràs deponendæ.

Sic intestina, cùm exquisitâ sensibilitate & irritabilitate majori gaudeant, sensu quolibet etiam minimo afficiuntur, & continuo agitantur motu. Motum etiam ipsis imprimunt musculi abdominales & diaphragma, unde si major adsit ipsorum pressio, versùs partes minùs resistentes impelluntur; obicibus victis, foràs tendunt, sensim prolabuntur, sicque formantur herniæ, quarum accidentia, ex cognitâ partium indole facilè deducuntur.

§. I I.

Tumores quicunque à partium in abdomine contentarum prolapsu efformati, generatim ramices, seu herniæ vocari solent.

Herniarum differentia desumuntur. 1^o. A loco; sic illa quæ in umbilico apparet, umbilicalis, seu exomphalos; quæ in inguine, inguinalis, seu bubonocèle; quæ in scroto, hernia scroti, seu oscheocèle; quæ in abdominis circumferentiâ, ventralis dicitur, atque sic de cæteris. 2^o. Differunt quoque in ratione partium in tumore contentarum; ita enterocèle, quando intestina tumorem faciunt; quando omentum, epiplocele; dùm utraque, enteroepiplocele dici consuevit. 3^o. Ratione essentia dividuntur in simplices, compositas & complicatas; simplices ex unâ parte fiunt, & sunt absque accidentibus; compositæ ex pluribus partibus producuntur; complicatæ verò accidentia offerunt, & plùs minùs ve secum important periculi; tales sunt herniæ adhærentes quæ in abdomen refundi nequeunt; aliæ in procidentia loco ita constrictæ & angustatæ sunt, ut prolapsæ partes brevi inflammationem subeant, incarceratæque dicuntur; hæ subsequenter habent pejora accidentia, ut inflammatio, suppuratio, gangræna, &c. 4^o. Herniæ possunt esse vel completæ, vel incompletæ; completam intelligimus eam in quâ tubus intestinalis totus in herniâ continetur; per incompletam verò,

verò, eam in quâ pars tubi tantùm constringitur. 5°. Admittuntur etiam herniæ veræ & spuria; veræ à partibus in abdomine contentis, efformantur: tales sunt modò designatæ; spuria verò hernias mentiuntur, & hoc nomine designantur tumores quidam ab aere, & pneumatocele; alii ab aquâ, & hydrocele; si à carnibus, sarcocoele; dùm à sanguine, aimatocele dicuntur. 6°. Denique discrepant ratione molis, & resistentiæ: unde aliæ majores, aliæ minores; hæ molles, illæ duræ prementi digito resistunt & reduci nequeunt.

Ad varias herniarum causas revocantur omnes illæ quæ partes nimium laxant vel premunt, quæ vim aliquam abdomini incutiunt, vel nunc & repentè ipsum ad insignem violentiam inducunt. Unde admittuntur quædam causæ internæ, ut fibrarum atonia, abdominis distensio à fero intrâ textum cellularem effuso, tussis, usus alimentorum pinguium & oleosorum, &c. Externas verò inter causas numerantur, lapsus, ictus, saltus, equitatio, nisus vel in movendis, vel in attollendis gravioribus ponderibus vehementior, vociferatio, tubarum inflatio, vestes strictiores, &c. His causis diversi-mode agentibus, viscera premuntur, versùs partes minùs resistentes impelluntur, distenditur peritoneum, ceditque, vel rumpitur, & sic oriuntur herniæ.

Ad perfectam herniarum diagnosim, non omittenda signa commemorativa, si quidem & morbi, & accidentium naturam elucidare valent, sicque certiùs discernitur tumor, ab alio qui herniam quandoque primâ facie mentitur. His consideratis, ex visu, tactu, auditu etiam quandoque, necnon accidentibus, tutior postea statuitur herniarum diagnosim.

Jam verò dum locus magis quàm naturaliter decet, prominet in inguine, oculis dignoscitur herniæ moles, situs, figura, &c. Si his accedat tactus, & tumor digitis pressus, sit æqualis, circumscriptus, renitens, elasticus; si pro diverso corporis situ vel motu mox detumescat, moxque intumescat, si manu pressus eva-

nescat, & quidem sæpius cum murmure quodam, tunc ipsum à prolapsis intestinis provenisse judicatur. Dum ab omento tantum, tumor inæqualis est & crassus, tangenti digito minus cedit, intra abdomen non æquè facile & sine murmure descendit, minus dolet & elevatur; difficile tamen distinguitur, & alterius tumoris seu herniæ spurie speciem refert quandoque (1). Si ab intestino & omento simul oriatur tumor, signa adsunt communia, aut saltem varia sunt, pro vario partium situ, ita ut difficile quandoque utriusque partis præsentia dignoscatur.

Ex signis modò memoratis distinguitur hernia vera à spuria, quæ, pro peculiari morbi naturâ, sua habet signa. Hernia simplex sicut & composita etiam facile judicantur; accidentia verò majora vel minora, complicatam indicant. In adhæsiōe non recenti, tumor ut plurimum major, partim tantum reducitur modò rediturus; in recenti verò, si simul adsit inflammatio, jam oriuntur strangulationis signa, adsunt febris, dolor, tensio abdominis, vomitus, singultus; malo non remittente, sequuntur vomitus stercorales, sudores frigidi, debilitas pulsûs, indolentia partis, quandoque gangræna. Hæc accidentia minus urgent, si omentum tantum patiat, vel minor sit strangulatio. Denique hernia incompleta difficilius cognoscitur, & per accidentia herniis communia tantum prænuntiari potest.

Herniarum prognosis desumenda à situ, ab ægri ætate, & viribus, ut & morbi duratione & vehementiâ. In infantibus & pueris plerumque nullum imminet periculum, si quidem in his facile refunduntur & sanantur; in adultis etiam & in senibus minus periculi foret, quandiu prolapsæ partes liberæ sunt, & adhuc repelli queunt. Licet etiam increverit tumor, si nondum

(1) V. *Remarques sur les signes illusoires des Hernies épiptiques*, par M. Pipelet le jeune. *Mém. de l'Acad. de Chir.* Tom. V.

interclusa & intercepta sint intestina, si accidentia non imminuant, congruaque adsint auxilia, ut plurimum non adeò magnum subest periculum. È contra in herniâ, violentiâ & vi factâ; nisi opportuno tempore refundantur intestina, sique gravissima brevi superveniat inflammatio, urgent accidentia majora; quæ si celeriter non debellantur, mox ægros post tertium diem, & etiam citius, interdum consumunt.

Pro variâ herniarum specie, varia proponitur curandi norma, quæ vel palliativa, vel radicalis habetur. Palliativa ea dicitur, in quâ quidquid intestinorum aut omenti prolapsum est, modò in abdomen refunditur, & firmiter ne iterum prolabi queat, intus continetur. Taxis ex artis legibus celebrata, & vincturæ, seu subligacula idonea apud disposita, hunc finem adimplent, qui in herniis simplicibus aut compositis semper sufficit, & etiam curationem radicalem quandoque operatur. Horum enim beneficio, ut frequens rerum usus testatur, non infantes tantum & juniores, sed quandoque adulti, præcipuè si recens sit malum, quàm felicissimè liberantur; congruâ victûs ratione simul adhibita, saltu, equitatione, vehementioribus succussionibus & moribus cautè vitatis. Curatione hunc in modum institutâ, feliciter etiam sanescere possunt qui vigesimum nondum ætatis annum attigerunt. Si verò ægri natu grandiores fuerint, vel hernia sit inveterata & major, neque facillè retinenda, de perfectâ illorum sanitate prorsus desperandum. Nihilominus tamen vincturis sive subligaculis malum levâri, & utilissimum sanitatis præsidium in eis inveniri, experienciâ comprobatur.

Si partes prolapsæ reduci nequeant, majoraque urgeant accidentia, variis operationibus partium reductionem, necessitate impulsa tentavit Chirurgia; cumque sæpius post cicatricem inde subsequenter partes iterum non prolabantur, radicalis hinc habita fuit hæc curatio. Hanc tamen herniarum curationem non

nulli tùm inter veteres, tùm inter recentiores, in eum tantùm finem adhibuerunt, ut ægros herniis laborantes, ad fortiores labores ineptos, & à molestiâ subligaculorum & à vitæ periculo liberarent.

Dum nulla adsunt accidentia, radicalis curatio, remediis internis aut externis tamen tentari potest. Ad hunc finem laudantur remedia quædam interna; & præ cæteris topica ex astringentibus, & corroborantibus deprompta, ut sunt vina quædam austera & fortiora, rosæ rubræ, cortex granatorum, pulvis quercus coriarius, &c. Hæc remedia in junioribus, & in herniis recentioribus præsertim prodesse constat, dum è contrâ in herniis antiquis, & in senioribus minùs frequenter præstant, nisi longissimus fuerit eorum usus. Inde in his minor fides, & horum in praxi negligentia major nequaquàm laudanda.

Veteres, ut patet ex Celso (1), in eo quem scalpello curari oportebat, tegumentis saccoque incisis, testiculo præcavescentes ne ipse lædatur, intestinum reponebant; dein excisis quæ excidenda sunt & nimium extensa, cicatrice perfectâ partes retinebantur.

At mox pejor invaluit medendi ratio, Agyrtis familiaris & usitata. Non minùs enim junioribus quàm ætate provectis, testiculum excidebant, peritonei processu, ac vasis spermaticis antea deligatis; hocque modo, radicaliter hernias curare opinabantur. Talis mos adhuc erat Hildani & Fabricii ab Aquapendente temporibus; at tantùm abest ut faustè adhiberi possit hæc curatio, quæ cum intensissimis cruciatibus, jacturâ testiculi, atque ipsius vitæ periculo, & etiam cum perpetuo pristini vitii metu conjuncta deprehenditur.

Alii minùs cruentam curandi rationem puncturâ, vel sectione aureâ secuti sunt, sed non majori cum successu; nam si non satis arcta sit illa vinctura, facilè intestina iterùm deprimuntur; si

(1) Medic. libr. vii, capit. xx.

è contrà arctior, vasa spermatica simul constringuntur, atque proin testiculum corrumpi necesse est.

Alii solis tegumentis incisis, partibusque reductis ligaturam sacculi adhibuerunt.

Alterà herniæ curandæ ratio etiam antiquissima, in ipsomet cauterio actuali quæsita fuit; refertque Guido de Cauliaco (1) Albucasim, Avicennam, Rogerium, aliosque, &c. cauteriorum actualium ope escharram in annulo excitasse; at cum crudelior visus fuerit hic apparatus, ægrosque perterrens, Theodoricus, Joannes de Crepatis, Magister Andreas Monspeliensis, aliique & Guido, cauteriis actualibus neglectis, potentialia anteposuerunt, eaque adhibenda sibi proposuerunt, ut fortior inde subsequatur cicatrix, sicque multos, herniis laborantes, curatos fuisse asseverant; ast de causticis, ut potè periculosus, diffidere, cicatricemque semper per vincturam levare suadet ipsemet Guido.

Hildanus (2) refert, empyricum suo tempore hernias oleo quodam chemico curare voluisse, sed ægros maximis doloribus affecisse, & tamen quosdam vix curasse. Eadem de periculo causticorum, & incerto eorum usu prædicat Paræus (3): unde patet causticorum usum ab antiquis notum, validissimis rationum momentis ex unanimi eorum sententiâ rejectum fuisse, eum non tantum inutilem ad radicalem herniarum curationem, sed & perniciosissimum æstimantes. Neglectam exsuscitare methodum sæpius voluerunt non nulli, qui histrionum ferè omnium more, optima quæcumque pollicentes, ægros in gravissimum vitæ periculum, præter necessitatem, adduxerunt. Sic in Angliâ, Medicus

(1) Tractat. VI de decoratione. Caput VII de Rupturâ dydimali & de curâ per Chirurgiam.

(2) Operat. Chir. pag. 915.

(3) Liv. VII, Chap. 18.

quidam, cui nomen Little John, rodentibus medicamentis, & præ cæteris fortissimo vitrioli oleo utebatur, & cicatrice inductâ, subligaculum nihilominus commendabat. Sed res prosperè juxta jactationem cum non successisset, paulo post contemni cæpit & ab ipsismet Anglis rejici (1).

Rejectam in Angliâ sibi propriam apud nos fecerunt non nulli, rursûmque ad lucem, tanquam novam, paucis ab annis, majori haud quaquam successu, methodum ediderunt (2); rationes ergo, variaque quibus nititur observationum momenta, noscere operæ pretium est, ut de eâ ad radicalem herniarum curationem, quid sperandum, quidve timendum cognoscatur (3). Hujusce curandi rationis fautores, ut in causticis majorem fidem facerent, ea tanquam certa & unica ad radicalem herniarum curationem remedia jactitaverunt; alias operationes prædicaverunt periculosæ plenas alicui; subligacula affirmaverunt herniis continendis inutilia; imò plurima accidentia, in imaginatione concepta, tanquam frequentia ab eorum usu, supposuerunt; eaque tantum contra herniarum rapidiores progressus, & ad strangulationem aliquoties præcavendam, apta dixerunt; quod apertè falsum & ab omni veritate destitutum, experienciâ quotidianâ comprobatur. Constat enim primò subligaculorum usu juniores & etiam seniores, quandoque radicaliter sanescere; secundò hernias nullatenus deteriores fieri, quatenus subligaculis ritè factis, & corpori diligentissimè adaptatis continentur; inde nec inflammationes, nec

(1) Heister, Instit. Chir. Part. II, Sect. V, Cap. cxix. *Monro, Essais & Observations de Médecine de la Société d'Edimbourg*, Tom. V, art. 21.

(2) *Mémoire publié dans le Journal de Médecine de Novembre 1771. Et Libellum cui titulus. L'Art de guérir radicalement, & sans le secours d'aucuns bandages, les Hernies.* Paris, 1778.

(3) Vid. Dissertat. clar. Præfidis & Supplementum in Commentariis Reg. Chir. Acad. Tom. V, in-4°. 1774.

compressiones noxiæ; terrib, partes nequaquam strangulari posse, dum firmiter constanterque subligacula gestantur; si forè minùs benè succedant vel propter negligentiam ægrotantis, vel ob pejorem fabricam, ab imperitis sæpiùs tentatam, tunc non crimen Artis, sed ægrotantis, vel machinæ est (1).

Falsò subligaculorum incommoda & accidentia promulgaverunt causticorum laudatores; absque incommodo enim gestantur, & nulla sæpiùs, per longius vitæ curriculum, oriuntur accidentia. Rarò post legitimum ipsorum usum ad operationes confugiendum, nisi propter strangulationem partium in herniis contentarum, & tunc sufficiunt ad curationem radicalem, imò aliis operationibus præstant incisiones necessariæ ad reductionem, ex Artis legibus celebratæ. Fidem faciunt observationes in variis auctoribus consignatæ; eam confirmant nosocomia in quibus homines, laboribus gravioribus occupati, pauperes numerosi, subligaculis ritè factis destituti, sibimet ipsis negligentes, decumbunt, & tamen rariores ibi fiunt operationes.

Si causticorum effectus ex successu & observationibus dijudicentur, certè promissam utilitatem non præstant. Ideò enim adhibenda proponuntur caustica, ut subligaculorum usus viteatur, curatioque radicalis obtineatur; sed ex herniosis per caustica curatis, quidam ex applicatione accidentia experti sunt; alii post curationem apparentem, paulò post herniâ iterùm laboraverunt, & in subligaculorum usu levamen, per caustica frustra promissum, quæsierunt (2). Alia possent hîc numerari exempla, quibus probatur caustica ab iteratâ herniâ non fervare,

(1) Desiderandum foret ad salutem hominum, subligacula tantùm fieri & applicari à Chirurgis herniarum curationi devotis, artificesque rudes & imbecilles in messem salutarem manus non injicere; rariores forent accidentia. Hoc bonorum in votis, utinam tales abusus reprimat legum auctoritas!

(2) Vid. Dissert. suprâ laudatam in Comment. Reg. Acad. Chir. Tom. V.

& nihilominus, saltem prudenter, post curationem subligacula iterum esse necessaria. Incerta ergo curatio radicalis tanto promissa hiatu, & quod probaverat plurimum seculorum experientia, hoc idem confirmant quotidiana ab ipsomet operatore tentamina.

At non tantum incerti, sed ipso malo sapius peiores fuerunt causticorum effectus; ex his accidentia, vitæ periculum, & ipsa mors subsecuta sunt. In hoc erosio intestini & fistula stercoralis, in illo mors citior, lentior in alio, pro curatione radicali successerunt. Nobis communicavit clarissimus Actus Præses se vidisse, cum Magistris *Veyret*, *Pipelet* natu majore & juniore, aliisque hujusce Collegii Sociis, ægrotum quemdam, qui herniâ simplici affectus, caustica bis incallum expertus fuerat, & post cicatricem difficilius obductam, doloribus vehementioribus, & eventratione laborabat. Vidit etiam cum Magistro *Guyenot* virginem, quæ ab eodem caustico curata, herniâ iterum afficiebatur. Sic incerti eventus comes, adest quandoque peiorum malorum funesta soboles.

Post talia gesta, innocensne, certa, periculi expers, prædicari potest hæc curatio? *Successus* quidam fortuiti narrentur! Laudent jactatores! Inutilis saltem, & etiam periculosa pronuntiabitur operatio, quæ absque necessitate, & in cautelæ modum, lethalibus accidentibus homines devovet contra incommodum, cui forsan nulla operatio fuisset necessaria.

F I N I S,